

ORA BO YIU COMPORTA SU MES MALO



Un traduccion y adaptacion di:
"When your child misbehaves"

*A scriptographic booklet
by Channing L. Bete Co. Inc.*

Reproduci pa:



Tel.: 5824433

Co-financia pa:



TUR MUCHA TA COMPORTA NAN MES MALO DE BEZ EN CUANDO


Ora **bo** yiu comporta su mes malo, abo como mayor mester:

REACCIONA,

pa stop e mal comportacion di bo yiu.

SIÑA BO YIU,

pa reconoce y haci un esfuerzo pa yega na un comportacion apropia.





Siña bo yiu con pa comporta su mes corectamente, ta un di bo responsabilidadnan mas importante.

PROMOVE COMPORTACION POSITIVO TA UN RETO!

Pa haci esaki efectivamente, bo mester:

COMPRONDE PAKICO MUCHANAN TA COMPORTA NAN MES ASINA

Muchanan no ta adultonan chikito. Nan necesidad, exigencia y abilidadnan ta hopi diferente cu di bo. Comprende bo yiu, ta e yabi pa preveni malcomportacion.



CONTESTA NA UN MANERA AMABEL Y CU CARIÑO


Bo actonan ta yuda forma e manera con bo yiu lo actua. Bo reaccion por stimula of discourasha comportacion positivo.

BON BINI NA E MUNDO DI BO YIU

E ta yen di:


NOVEDAD

Pa bo yiu tur cos ta nobo y cla pa explora. Curiosidad ta hopi importante den e proceso di siña, pero tin biaha e por hinca mucha den problema.



FRUSTRACION

Tin asina hopi cos pa siña y tin asina hopi cos cu mucha no por haci nan so. T'asina facil pa mucha chikito altera.



INSEGURIDAD

Mucha no tur ora ta kere cu di mes nan ta ser stima y desea. Ora mayornan rabia of ta aleha, nan por sinti miedo di ser rechaza of bandona.



TENTACION

Cada obheto y experiencia nobo ta atrae mucha chikito. Ta hopi dificil pa resisti!




E manera cu bo yiu ta mira mundo ta influencia su bon of mal comportacion!

TIN 3 MOTIBO PRINCIPAL CU TA HACI MUCHA COMPORTA NAN MES MALO

1 NAN NO CONOCE REGLA

Corda, mucha ta experiencia hopi cos pa promer biaha. Hopi biaha di berdad nan no sa, cu locual nan ta haciendo, no ta aceptabel.



2 NAN CONOCE REGLA PERO TA KIBRA NAN TOCH

Ta normal pa mucha weita con leu nan por bay. Mucha por kibra regla pasobra nan ta rabia, nan mester di atencion of nan no por controla nan deseonan.



3 NAN NO TA SINTI BON

Mucha, manera tur otro hende, tin biaha ta sinti malo, hamber, cansa of rabia. Pero mucha no sa con pa expresa nan necesidad y deseonan. Pesey nan por bira fastioso.



Comprendiendo e motibo di e malcomportacion di bo yiu por yudabo scoge e mihor manera pa yud'e.

TENE NA CUENTA E SIGUIENTE PUNTONAN DI GUIA Y METODONAN


ora ta trata comportacion di bo yiu.

PA STIMULA BON COMPORTACION,

corda:


PONE REGLANAN CLA

Bo yiu ta comporta su mes mihor ora e sa kico ta spera di dje. Percura pa e sa cual comportacion ta aceptabel y cual no. Sigui un regla pa ora di bay drumi, come y otro momentonan cu por surgi conflicto.




SEA CONSECUENTE

Na momento cu bo tin regla stipula, atene bo mes na nan. Reacciona cada biaha cu bo yiu comporta su mes malo.



SEA FIRME PERO HUSTO

Trata di no reacciona di mas



DUNA HOPI ELOGIO Y ATENCION

Tuma nota ora bo yiu comporta su mes bon.

Elogia e comportacion cu bo kier mira di bo yiu.

PA TRATA MALCOMPORTACION,

bo por purba:

"TIMEOUTS"

Esaki ta encera manda bo yiu un lugar keto y separ'e di hende y su cos di hunga un rato.

- Usa "timeouts" solamente pa forman serio di malcomportacion.
- Un "timeout" no mester dura mas cu 1 of 2 minuut, pa cada aña cu bo yiu tin.
- No teima despues di e "timeout". E "timeout" mes ta laga un mucha sa cu su comportacion no tabata aceptabel.

"TUNINGOUT"

Esaki ta nifica ignora malcomportacion di bo yiu cu e proposito pa haya bo atencion (p.e. usa palabra malo). Laga bo yiu sa cu bo lo reacciona solamente ora e stop cu su malcomportacion. Elogia su logronan.



KITA PRIVILEGIONAN

Esaki kier meen kita algo cu bo yiu ta gusta, por ehempel, hunga cu amigonan. No lag'e mira television of hunga nintendo. Corda stipula duracion di e straf.



PAKICO CASTIGO FISICO NO TA UN BON IDEA

Suta of dal por stop e mucha pa comporta su mes malo pa un rato, pero e no ta siña e mucha comporta su mes bon.

Al contrario, e por siña e mucha cu uso di violencia pa soluciona problema ta aceptabel. E por causa daño tambe.

SIÑA CON PA ANDA CU FORMANAN SPECIFICO DI COMPORACION

MAL BEIS

por ta e resultado ora un mucha ta frustra y ta perde control. Haci lo siguiente:

PERCURA PA SEGURIDAD

Sea sigur cu e mucha no por haci daño na su mes, ni na otro hende. Kita tur obheto cu por causa daño. Of hiba bo yiu na un lugar mas sigur of un lugar priva, si ta necesario.



IGNORA E MAL BEIS

Laga bo yiu sa cu bo lo atende, asina cu e por controla su mes atrobe. Trata di keda na esaki, hasta den un lugar publico.

MAS TIP CON PA ANDA CU MAL BEIS

Preveni e mal beis ora ta posibel. Sea alerta pa señalnan cu ta muestra cu frustracion di bo yiu ta creciendo. Yuda bo yiu enfrenta y mantene control, y dun'e elogio ora cu e logra.

COMPORACION AGRESIVO

manera morde of dal por sosode pasobra mucha falta abilidadnan con pa anda cu otro. Haci lo siguiente:


PARA E COMPORACION

Ta importante pa preveni bo yiu di haci daño na otro persona. Interveni ora mester.




DISCUTI OTRO FORMANAN PA REACCIONA

Siña bo yiu maneranan positivo pa expresa su sentimento. Por ehempel siñ'e pa bisa: "Mi ta sinti mi mes malo, ora bo ter mi" na lugar di: "Stop, idiota!"



USA UN "TIMEOUT" SI TA NECESARIO

"Timeout" ta un bon manera pa anda cu comportacion agresivo.



MAS TIP CON PA ANDA CU COMPORACION AGRESIVO

- Muestra riba bon comportacion di otronan (Pero, no compara bo yiu cu otro mucha).
- Sea un bon ehempel: trata otro cu respet y cortesia.
- Siña maneranan sin violencia pa resolve problema.

OTRO FORMA COMUN DI MAL COMPORTACION

PALABRA MALO

Mucha ta siña tempran cu uso di palabra malo ta capta atencion liher. Esaki bo por haci:

PONE REGLA BON CLA

Bisa bo yiu bon cla cual palabra ta bon pa usa y cual palabra no!



IGNORA PALABRA MALO

Asina cu bo a pone e reglanan, no pone atencion ora bo yiu ta usa idioma inapropia (ora bo ignora e malcomportacion, e por stop liher).

DUNA BO YIU E ATENCION CU E MESTER

Corda cu uso di palabra malo hopi biaha ta pasobra e mucha ta pidi atencion. Pasa un rato cu bo yiu, y kita e motibo pa malcomportacion.



MAS TIP CON PA ANDA CU PALABRA MALO

- Sea cauteloso cu bo propio uso di palabra.
- Yuda bo yiu haya mas forma apropiada pa expresa su sentimentonan.

HORTAMENTO Y GAÑAMENTO

por pasa ora cu mucha tin dificultad pa controla nan impulsonan. Haci lo siguiente:


YUDA BO YIU CONFRONTA HECHONAN

No trata di forza bo yiu pa admiti su falta. E lo por bay gaña. Simplemente confront'e cu e hechonan.

SPLICA E MANERA APROPIA PA HAYA ALGO

Mucha por horta of gaña pasobra nan ta kere cu esaki ta e mihor manera pa haya locual nan kier. Siña nan e mihor manera pa haci esaki:

- pidi algo, no coge.
- papia berdad, no gaña.



HACI AREGLO CON PA DEBOLBE, PAGA BEK OF REEMPLAZA COSNAN HORTA

Esaki ta yuda mucha comprende kico horta nifica. Mucha chikito tambe por haci trabao chikito pa "paga" pa algo.

MAS TIP CON PA ANDA CU HORTAMENTO Y GAÑAMENTO

- No humiya e mucha. Corda bon cu kizas e no sa cu hortamento y gañamento ta malo.
- No yama bo yiu "gañado" of "ladron". Yuda e mucha comprende cu no ta e, pero ta su comportacion ta malo.

ORA BO YIU TA CONTESTABO BEK Y TA BISA NO

Mucha chikito hopi biaha ta contesta bek, pasobra nan kier manda. E ta parti di crecemento!


COMPRONDE NECESIDAD DI BO YIU PA MANDA

Mucha ta pasa hopi tempo di nan bida haciendo locual otro ta bisa nan pa haci. Laga bo yiu tuma su propio decisionnan, ki ora cu ta posibel.



NO HACI PREGUNTA CU BO YIU POR CONTESTA SOLAMENTE CU "SI" OF "NO"

No duna bo yiu chens pa bisa "no". Puntr'e pa scoge entre diferente opcion. Por ehempel: "Bo kier bay baña of bo kier yuda mi laba coi kibra?"



IGNORA E COMPORACION

Si bo yiu ta sigui bisa "no", djjs ignora e respuesta.



MAS TIP CON PA ANDA CU "CONTESTA BEK"


- Trata di no contesta bek. Trata bo yiu y otro hende cu cortesia.
- Siña bo yiu e uso debido di e palabra "no".

ALGUN REGLA SPECIAL PA SITUACIONNAN PELIGROSO

Tene cuenta cu lo siguiente ora bo yiu ta den peliger:

REACCIONA DI BIAHA

Bo promer paso mester ta pa tene bo yiu for di caya, trapi of sino for di peliger. Actua liher lo protege bo yiu y lo manda un mensahe fuerte.



TENE SPPLICACION CORTICO

No bruha mucha chikito cu hopi papiamento. Bis'e p.e.: "Bo no mester subi eynan", "Nunca come esey". Ora bo yiu ta mas grandi, bo por splik'e pakico cierto reglanan ta necesario.

NO CASTIGA BO YIU

Den hopi situacion peligroso bo yiu lo no sa kico e ta haciendo malo. Castiga bo yiu solamente lo bruh'e of pon'e rabia.



USA UN "TIMEOUT"

si bo yiu sigui haci cosnan peligroso.

MAS TIP

con pa anda cu bo yiu su comportacion.

PAPIA CU BO YIU

con pa anda cu e sentimentonan fuerte cu boso dos por tin, ora cu bo yiu comporta su mes malo.

NO REACCIONA CU RABIA


ora bo yiu comporta su mes malo. Warda te ora cu abo a calma.

NO TEIMA RIBA TUR COS

Siña laga problema chikito pasa.


NO EXAGERA USO DI METODO- NAN MANERA "TIMEOUTS"

Esakinan tin mas efecto ora cu usa nan den caso di malcomportacion serio.



BUSCA AYUDO SI BO TIN PREGUNTA OF PREOCUPACION RIBA COMPORTACION DI BO YIU

Tin instancia cu por yudabo soluciona problema y por siñabo mihor forman pa anda cu malcomportacion.



NO PONE HOPI REGLA

Haci'e simpel pa bo y bo yiu.

NO SPERA PERFECCION DI BO YIU

Tur hende por haci eror.

TRAHA CU BO PAREHA

Asina boso por actua mescos.

NO MENSPRECIA BO YIU ORA E COMPORTA SU MES MALO

Enfoca mas riba e comportacion.

Pues . . . ORA BO YIU TA COMPORTA SU MES MALO, ACTUA!


✓ COMPRONDE PAKICO

mucha ta comporta nan mes asina.



✓ SA CON PA REACCIONA

riba diferente forma di comportacion.



✓ BUSCA AYUDO

si e comportacion di bo yiu ta sigui causa problema.



Yuda bo yiu crece cu bon manera. Esey lo ta facil pa tur hende.